

Тропари, богородичны и кондаки воскресные

ВОСЬМИ ГЛАСОВ

Глас 1-й

Тропарь: Ка́мени запеча́тану от иуде́й и вои́ном стрегу́щим Пречи́стое Те́ло Твое́, воскрeсл еси́ триднeвный, Спа́се, да́руяй ми́рови жизнь. Сего́ ра́ди си́лы Небе́сныя вопия́ху Ти, Жизнода́вче: сла́ва воскрeсeнию Твоему́, Христe, сла́ва Ца́рствию Твоему, сла́ва смотре́нию Твоему, Еди́не Человеколю́бче.

Богородичен: Гаври́лу веща́вшу Тебе́, Де́во, ра́дуйся, со гласом воплоща́шеся всех Влады́ка в Тебе́, святе́м Киво́те, я́коже рече́ пра́ведный Дави́д, яви́лася еси́ ши́ршая небе́с, поноси́вши Зижди́теля Твоего́. Сла́ва Всельше́муся в Тя; сла́ва Проше́дшему из Тебе́; слава Свобо́дившему нас рождество́м Твои́м.

Кондак: Воскрeсл еси́ я́ко Бог из гроба́ во сла́ве, и мир совоскрeсил еси́, и естество́ челове́ческое я́ко Бо́га воспева́ет Тя, и смерть исче́зe; Ада́м же лику́ет, Влады́ко, Е́ва, ны́не от уз избавля́ема, ра́дуется, зову́щи: Ты еси́, Иже всем пода́я, Христe, воскрeсeние.

Глас 2-й

Тропарь: Егда́ снизше́л еси́ к сме́рти, Животе́ безсме́ртный, тогда́ ад умертви́л еси́ блиста́нием Божества́; егда́ же и умерши́я от преиспо́дних воскрeсил еси́, вся си́лы Небе́сныя вызы́аху: Жизнода́вче Христe Бо́же наш, сла́ва Тебе́.

Богородичен: Вся па́че смы́сла, вся пресла́вная Твоя́, Богоро́дице, та́инства, чистоте́ запеча́танной и де́вству храни́му, Ма́ти позна́лася еси́ нело́жна, Бо́га ро́ждши Истиннаго. Того́ моли́ спасти́ся душа́м на́шим.

Кондак: Воскрeсл еси́ от гроба́, всеси́льне Спа́се, и ад, ви́дев чу́до, ужасе́ся, и ме́ртвии воста́ша. Тварь же ви́дящи сра́дуется Тебе́, и Ада́м свеселится, и мир, Спа́се мой, воспева́ет Тя при́сно.

Глас 3-й

Тропарь: Да веселя́тся небе́сная, да ра́дуются земна́я, я́ко сотвори́ держа́ву мы́шцею Свое́ю Госпо́дь, попрá сме́ртию смерть, пе́рвенец ме́ртвых бысть; из чре́ва а́дова изба́ви нас и подаде́ ми́рови ве́лию ми́лость.

Богородичен: Тя, ходата́йствовавшую спасе́ние ро́да на́шего, воспева́ем, Богоро́дице Де́во: плоти́ю бо, от Тебе́ восприя́тою, Сын

Твой и Бог наш, Крестом восприим страсть, избави нас от тли, яко Человеколюбец.

Кондак: Воскрёсл еси днесь из гроба, Щедре, и нас возвёл еси от врат смертных; днесь Адам ликует и радуется Ева, вкупе же и пророцы с патриархи воспевают непрестанно Божественную державу власти Твоея.

Глас 4-й

Тропарь: Светлую воскресения проповедь от Ангела уведевша Господни ученицы и прадеднее осуждение отвергша, апостолом хвалящаяся глаголаху: испровержесе смерть, воскресе Христос Бог, даруяй миру велию милость.

Богородичен: Еже от века утаенное и Ангелом несведомое таинство, Тобою, Богородице, сущим на земли явися Бог, в неслитнем соединении воплощаемъ, и Крест волею нас ради восприим, имже воскресив первозданного, спасе от смерти души наша.

Кондак: Спас и Избавитель мой, из гроба яко Бог воскреси от уз земнородных и врата ада сокруши, и яко Владыка воскресе тридневен.

Глас 5-й

Тропарь: Собезначальное Слово Отцу и Духови, от Девы рождающееся на спасение наше, воспойм вернии и поклонимся, яко благоволи плотию взыти на Крест, и смерть претерпети, и воскресити умерших славным Воскресением Своим.

Богородичен: Радуйся, двере Господня непроходимая; радуйся, стено и покрове притекающих к Тебе; радуйся, необуреваемое пристанище и Неискусобрачная, рождающая плотию Творца Твоего и Бога, молящи не оскудевай о воспевающих и кланяющихся Рождеству Твоему.

Кондак: Ко аду, Спасе мой, сошел еси, и врата сокрушивый яко Всесилен, умерших яко Создатель совоскресил еси, и смерти жало сокрушил еси, и Адам от клятвы избавлен бысть, Человеколюбче. Темже вси зовем: спаси нас, Господи.

Глас 6-й

Тропарь: Ангельския силы на гробе Твоем и стрегущия омертвеша, и стояше Марія во гробе, ищущи Пречистаго Тела Твоего. Пленил еси ад, не искусився от него; встретил еси Деву, даруяй живот. Воскресый из мертвых, Господи, слава Тебе.

Богородичен: Благословенную нарекий Твою Матерь, пришел еси

на страсть вольным хотением, возсияв на Кресте, взыскати хотя Адама, глаголя Ангелом: срадуйтесь Мне, яко обретесь погибшая драхма. Вся мудре устроивый, Боже наш, слава Тебе.

Кондак: Живоначальною дланию, умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живо́т, и Бог всех.

Глас 7-й

Тропарь: Разрушил еси Крестом Твоим смерть, отверзл еси разбойнику рай, мирно́сицам плач преложил еси и апостолом проповедати повелел еси, яко воскресл еси, Христэ́ Бо́же, даруяй мірови велию́ мѣлость.

Богородичен: Яко нашего́ воскресения сокровище, на Тя наде́ющияся, Всепета́я, от ро́ва и глубины́ прегрешений возведи́: Ты бо повинны́я греху́ спасла́ еси́, ро́ждшая Спасение́ наше, Я́же прѣ́жде рождества́ Де́ва, и в рождестве́ Де́ва, и по рождестве́ па́ки пребыва́еши Де́ва.

Кондак: Не ктому́ держа́ва сме́ртная возмо́жет держа́ти челове́ки: Христос́ бо сніде, сокруша́я и разоря́я сі́лы ея́. Связу́емь быва́ет ад, проро́цы согласно́ ра́дуются: предста́, глаго́люще, Спас су́щим в ве́ре, изыди́те ве́рнии в воскресе́ние.

Глас 8-й

Тропарь: С высоты́ снизше́л еси́, Благоутро́бне, погребѣ́ние прия́л еси́ тридне́вное, да нас свободи́ши страсте́й, Животе́ и Воскресе́ние наше́, Го́споди, сла́ва Тебе́.

Богородичен: И́же нас ра́ди рождѣ́йся от Де́вы и распя́тие претерпе́в, Благі́й, испровѣ́ргий сме́ртию смерть и воскресе́ние явле́й яко́ Бог, не прѣ́зри, я́же созда́л еси́ руко́ю Твое́ю; яви́ человеколю́бие Твое́, Мѣлостиве́, приими́ ро́ждшую Тя Богоро́дицу, моля́щуюся за ны, и спаси́, Спа́се наш, лю́ди отча́янные.

Кондак: Воскрес́ из гроба́, умерши́я воздвѣ́гл еси́, и Ада́ма воскреси́л еси́, и Е́ва ликует во Твое́м воскресе́нии, и мирстѣ́и концы́ торже́ствуют, е́же из ме́ртвых воста́нием Твои́м, Многомѣ́лостиве́.